

INUIT ATAQATIGIIT

Inatsisartuni



14. 06. 2023

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Naalackersuisut Ilinniagaqarnersiutit pillugit inatsisartut inatsisaat allanngortinniarlugu pilersaaruteqarpat?
2. Naalackersuisut isumaqarpat ilinniakkamik naammassisaqarsimasoq nutaamik ilinniakkamik aallartitsinermigut ilinniagaqarnersiuteqarnissamut qiortatakkamik naammattunik pisinnaannginnera pitsaasusoq?
3. Ilinniakkamik naammassisaqarsimasoq nutaamik ilinniakkamik aallartitsinermigut ilinniagaqarnersiuteqarnissamut qiortakkamik amikkitsisoorani ilinniakkani naammassisinnaalissappagu tamanna nunatta karsianut qanoq naleqassava?
4. Tassunga tunngasumik Naalackersuisut allamik oqaasissaqarpat?

(Peter Olsen Inatsisartuni ilaasortaq, Inuit Ataqatigiit)

Tunngavilersuut:

Naalackersuisut Ilinniagaqarnersiutit pillugit inatsisartut inatsisaat nr. 16, 6.juni 2016-meersoq aammalu Ilinniagaqarnersiutit pillugit Namminersorlutik Oqartussat nalunaarutaat nr. 9, 19.juli 2017-meersoq tunngavungalugit ilinniagaqarnersiuteqartitsivugut.

Ass. ilinniartitsisutut naammissisimallunga, taassumalu kingorna aalisarnermut ingeniøritut ilinnialerusukkuma, taava aalisarnermut ingeniøritut ilinniarnerna ilaanna taamaallaat ilinniaqarnersiuteqaatigisinnaavara, ilinniagaqarnermusiaqarnissannut qiortakkat qulit amigaatigilissagakit, ilinniarnerna sinnera.

Aamma taamaappoq saffiuutut ilinniarsimaguma, imaaliallaannaq portøritut ilinnialersinnaanngilanga. Aap ilinniagaqalersinnaagaluarpunga, ilinniagaqarnermusiaqarnaga, taamaattoq piffissarujussuaq nukippassuillu atoqqaartariaqassavakka immikkut ittumik qinnuteqaasiornissamut, immikkut ittumik qinnuteqaasiornermi nassuiaqqaassallugu, uppersaqqaaassagakkulu sooq saffiuutut ilinniarsimagaluarlunga portøritut ilinniarusulersimanera. Timikkut tarnikkullu piginnaasakka annikillimasariaqarput, imaluunniit allamik sugaluarnersumik peqquteqavikkuma aatsaat saffiumiit, portøritut ilinnialersinnaavunga.

Kissaatigaara apeqquqtit ullut qulit qaangiutsinnagit akineqarnissaat.